



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 64. Patrum Oratorii vindiciæ contra Participantium querelas.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

„legitimum in Parochia cultum Divi- Sæc. XVIII.
 „num adstringere studeatis &c. A. C. 1740.

§. LXIV.

*Patrum Oratorii vindiciæ contra
 Participantium querelas.*

Acceptis hisce literis Pater Düring-
 kus pro se, ceterisque Patribus
 Oratorii ultra præstitutum terminum
 adhuc quindecim dierum inducias ad
 deliberandum sibi concedi die vigesima
 sexta Augusti petiit, obtinuitque, qui-
 bus tamen evolutis Mense sequenti per
 Küsterum Provinciæ Advocatum ad-
 versus Participantium propositas quer-
 elas libellum supplicem obtulit, expo-
 suitque, Fridericum Schlesvici Ducem
 anno prioris sæculi quinquagesimo se-
 cundo Patribus Oratorii diploma de-
 disse, vi cuius publicus Religionis cul-
 tus nonnisi Catholicis, Lutheranis,
 & Calvinistis fuerit concessus, proin-
 participantibus duntaxat jus Patrona-
 tus attributum, inde vero sequi, quod
 apud Catholicos vacante Parochi offi-
 cio tam Candidatus, quam Episcopus
 Candidatum inaugurans tam a summo
 Pontifice, quam a Parochianis pro ve-
 re Catholico habeatur, Gerardo au-
 tem Egerwys Parocho nuper mortuo,
 dum de successore per plurimorum vo-

Sæc. XVIII. ta eligendo agebatur, si præscriptæ
 A. C. 1740. conditiones fuissent observatæ, Queru-
 lantes pluralitati votorum immerito se-
 se opponerent : ast ab eis fuisse intru-
 sum Joannem de Baesrode Mechlinien-
 sis Archidioecesis Clericum, ob Janse-
 nianam hæresin ad Hollandos profu-
 gum, & non modo in Hollandia ab ex-
 tero (qualis aliunde ipso jure a Sacer-
 dotii munere exclusus esset) sed etiam
 a suspenso & excommunicato Episcopo
 initiatum Sacerdotio; notoriam enim
 esse Petrum Joannem, prætesum hunc
 Ultrajectensem Episcopum, ob Janse-
 nianam labem a legitimo suo Pasto-
 re summo Pontifice piorum cætu
 amotum fuisse, ac præterea nomina-
 tionem & præsentationem in hac Insu-
 la nulli alteri, quam Joanni Adolpho
 Flavio-politano Præsuli utpote legitimo
 Episcopo & Superiori Vicario Apostoli-
 co per septentrionem competere, ab eo
 enim, ut omnes Romano - Catholici
 Missionarii & animarum Curatores in
 Septentrione & per universum Daniæ
 Regnum suam vocationem reciperent,
 necesse esse &c. In horum Confirma-
 tionem huic libello Düringkus adjecit
 ejusdem Episcopi Flaviopolitani literas
 ad Strandia Participantes die decima
 nona Julii hoc anno datas, in quibus
 ipse suæ jurisdictionis hucusque exer-
 citæ

citæ valorem & jura solide propugna- ^{Sæc. XVIII.}
 bat, & præfatum P. Düringum tan- ^{A. C. 1740.}
 quam hujus Parochiæ *Deservitorem* in-
 terim designabat: Pluribus dein argu-
 mentis hanc in rem allatis, & opposi-
 tis querelis strenue confutatis Patres
 Oratorii supplices petebant, ut man-
 datum ad Participantium preces die vi-
 gesima septima Junii emanatum sua fir-
 mitate destituatur, proin eis integrum sit,
 ut usque ad litis decisionem pro Catho-
 licis Insulæ incolis Missæ Sacrificium,
 uti hætenus, in Sacello ibidem erecto
 peragere, & tamdiu Sacramenta ad-
 ministrare possent, donec alius Sacer-
 dos Religione Catholicus legitime insti-
 tueretur &c. Has Düringki literas
 Gottorpiensis Curia jussu Dani Regis
 ad Participantes die decima tertia Sep-
 tembris transmisit, hi vero vicissim pe-
 tebant, ut simul utraque pars audiret-
 ur; se enim paratos esse, invictis ar-
 gumentis demonstrare, quam immeri-
 to a se facta Joannis de Baesrode ele-
 ctio tanquam nulla traduceretur, quam-
 que frivole antiqui juris possessio ab
 Oratorii Patribus jactaretur: Hæc Par-
 ticipantium declaratio die decima Oc-
 tobris Patribus fuerat communicata,
 hi tamen mox reposuerunt, omni jure
 Catholicis esse interdictum, ne intru-
 sum hunc Parochum utpote excommu-
 nicatum

Sæc. XVIII
A. C. 1740.

nicatum & inhabilem pro Pastore animarum suarum reciperent, imo eos esse omnino obstrictos, potius sine Sacramentis & Presbyteri ministerio vivere & mori: eis quoque hucusque, & antequam hoc mandatum per Participantes sub- & obreptitie extortum emanasset, in Patrum Oratorii sacello Sacris interesse, semper licitum fuisse, idque plurimorum (quorum nomina subscripta erant) testimonio comprobatum esse, inde sperare se, ut cum summum animarum periculum in mora esset, prompte Regium mandatum abrogatum iri, eorumque petitioni satisfieri, proin Participantes, si a lite desistere nollent, coram legitimo Iudice citandos esse.

Æqua videbatur hæc petitio Regiæ Curiæ Judicibus, qui etiam die decima sexta Decembris utramque litigantium partem ad duodecimam Aprilis diem anni sequentis coram adesse iusserunt, ut suas rationes ultro citroque proferrent, & latam desuper sententiam exciperent. Eo fine Patres Oratorii utpote Con-Participantes tam P. Düringko, quam alteri Advocato legitimum comparendi agendique mandatum dederunt: termino tamen usque ad primam Junii diem prolato, & de-
nuo

nuo longius protracto triginta tres Catholici Strandiani libellum supplicem obtulerant, exponentes, quod integro ferme anno sine Sacerdote & Sacrificio vivere cogerentur, proin humillime rogarent, ut quamprimum fieri posset, novus iudicii terminus præfigeretur, & citatis Participantibus eorumque Advocatis hæc caussa ageretur, & quam citissime decideretur: Nec sine fructu horum erant preces; confestim enim die quinta Junii utrique parti injunctum, ut comparere festina- rent; simul etiam Participantibus præfatus Catholicorum libellus communi- catus, eisque insinuatam fuit, ut, nisi alia obstarent, his Oratoribus, ceteris- que Catholicis permitterent, ut occur- rente necessitate P. Düringkus Pastora- le officium exerceret:

§. LXV.

*Species facti & juris a Patribus Ora-
torii typis vulgata.*

Recepto hoc Curiae iudicio Patres Oratorii totius hujus causæ seriem anno hujus sæculi quadragesimo secun- do publicis typis vulgare decrevere, edito scripto, cui titulus: *Factum & deductio pro parte R. P. Joannis Francis- ei Düringcks nomine suo & ceterorum Pa-
trum*